

СРЕДА ВЕЛИКОЙ СЕДМИЦЫ

Во СВЯТУЮ и ВЕЛИКУЮ СРЕДУ ВЕЧЕРА,

Во светильничное, обычное стихословие от Трисвятаго без поклонов. Стихословим же, и Ко Господу внегда скорбети ми: без поклонов. На Господи воззвах, поставим стихов 10 и поем самогласны,

Глас 1:

Тебе Девыя Сына, блудница познавши Бога, глаголаше, в плачи молящися, яко слез достойная соделавшая: разреши долг, якоже и аз власы: возлюби любящую, праведно ненавидимую, и близ мытарей Тебе проповем, Благодетелю Человеколюбче.

Многоценное миро, блудница смеси со слезами, и излия на пречистей ноге Твои, обლობызаючи: оную абие оправдал еси, нам же прощение даруй Пострадавый о нас, и спаси нас.

Егда грешная приношаше миро, тогда ученик соглашашеся пребеззаконным. Овая убо радовашеся, истощаючи миро многоценное: сей же тцашеся продати Безценнаго. Сия Владыку познаваше, а сей от Владыки разлучашеся. Сия свободжашеся, а Иуда раб бываше врагу. Люто есть леность, велие покаяние: еже мне даруй Спасе, пострадавый о нас, и спаси нас.

О Иудина окаянства! Зряше блудницу целующую стопы, и умышляше лестию предания целование. Оная власы разреши, а сей яростию вязашеся, нося вместо мира злосмрадную злобу: зависть бо не весть предпочитати полезное. О Иудина окаянства! От негоже избави Боже, души наша.

Глас 2: Грешная тече к миру, купити многоценное миро, еже помазати Благодетеля, и миропродателю вопияше: Дажь ми миро, да помажу и аз Очистившаго вся моя грехи.

Глас 6: Погруженная грехом, обрете Тя пристанище спасения, виждь и мира со слезами растворяющую, Тебе вопияше: виждь согрешающих покаяния ожидай. Но Владыко спаси мя от волны греховныя, великия ради Твоя милости.

Днесь Христос приходит в дом фарисеов, и жена грешница приступивши к ногам, валяшеся вопиющи: виждь погруженную грехом, отчаянную деяний ради, негнушаемую от Твоя благости: и даждь ми Господи оставление злых, и спаси мя.

Простре блудница власы Тебе Владыце, простре Иуда руке беззаконным: ова убо пряти оставление, ов же взяти сребреники. Темже Тебе вопием проданому и свободждшему нас: Господи слава Тебе.

Приступи жена злосмрадная и оскверненная, слезы проливающи, любящи Спасе, страсть исповедаючи: како воззрю к Тебе Владыце? Сам бо пришел еси

спасти блудницу: из глубины умершую мя воскреси, иже Лазаря воздвигнувший из гроба четверодневна: приими мя окаянную Господи, и спаси мя.

Отчаянная жития ради, и уведома нрава ради, мира носящая приступи Тебе вопиючи: да не отвержеш мене блудную, Родивыйся от Девы: да не презриши моя слезы радости ангелов. Но приими мя кающуюся, юже не отринул еси согрешающую Господи, великия ради Твоея милости.

**Слава, и ныне, глас 8:
Творение Кассианы инокини.**

Господи, яже во многия грехи впадшая жена, Твое ощутившая Божество, мироносицы взявши чин, рыдаючи миро Тебе прежде погребения приносит: увы мне глаголющи! яко ночь мне есть разжжение блуда невоздержанна, мрачное же и безлунное рачение греха. Приими моя источники слез, иже облаками производяй моря воду. Приклонися к моим воздыханием сердечным, приклонивый небеса неизреченным Твоим истощанием: да облобыжу пречистей Твои нозе, и отру сия паки главы моя влася, иже в раи Ева, по полудни, шумом уши огласивши, страхом скрыся. Грехов моих множества, и судеб Твоих бездны кто изследит? Душеспасче Спасе мой, да мя Твою рабу не презриши, иже безмерную имей милость.

Вход со Евангелием. Свете тихий:

Прокимен, псалом 135, глас 4: Исповедайтесь Богу Небесному, яко благ, яко в век милость Его. Стих: Исповедайтесь Богу богов, яко в век милость Его.

Исхода чтение. [Глава 2, ст. 18 – 22.]

Бысть во дни многия оны, велик быв Моисей, изыде к братьям своим сыном Израилевым: разумев же болезнь их, виде человека египтянина биюща некоего евреанина от братии его сынов Израилевых. Обозревся же семо и овамо, никогоже виде: и поразив египтянина, скры его в песце. Изшед же во второй день, виде два мужа евреанина биющихся, и глагола обидящему: чесо ради ты биеши искренняго? Он же рече: кто ты постави князя и судию над нами? Еда убити мя ты хочещи, имже образом убил еси вчера египтянина? Убояся же Моисей, и рече: аще сице явлен бысть глагол сей? Услыша же фараон глагол сей, и искаше убити Моисеа. Отыде же Моисей от лица фараонова, и вселися в земли Мадиамстей: пришед же в землю Мадиамскую, седе при кладязе. Священнику же Мадиамскому беша семь дочерей пасущих овцы отца своего Иофора: пришедше же черпаху, дондеже наполниша корыта, напоити овцы отца своего Иофора. Пришедше же пастырие изгнаша я: востав же Моисей избави их, и налия им, и напои овцы их. Приидоша же к Рагуилу отцу своему, он же рече им: что яко ускористе приити днесь? Оныя же рекоша: человек египтянин избави нас от пастырей, и начерпа нам, и напои овцы наша. Он же рече дочерем своим: и где есть? И вскую сице остависте человека? Призовите убо его, да яст хлеб. Вселися же Моисей у

человека: и даде Сепфору дочь свою Моисею в жену. Во чреве же зачещи жена, роди сына, и нарече Моисей имя ему, Гирсам, глаголя: яко пришлец есмь в земли чуждей. Еще же зачещи роди сына втораго, и нарече имя ему Елиезер, глаголя: Бог бо отца моего Помощник мой, и избави мя из руки фараоновы.

Прокимен, псалом 137, глас 4: Господи, милость Твоя во век, дел руку Твоею не презри. **Стих:** Исповемся Тебе Господи всем сердцем моим, и пред ангелы воспою Тебе.

Иова чтение. [Глава 2, ст. 1 – 10]

Бысть яко день сей, и приидоша ангели Божии предстати пред Господем: и диавол прииде посреде их предстати пред Господем. И рече Господь диаволу: откуда ты грядеши? Тогда рече диавол пред Господем: прошед поднебесную, и обшед всю землю, приидох. И рече Господь к диаволу: внял ли еси убо [мыслию твоею] рабу моему Иову? Яко несть такова от сущих на земли: человек незлобив, истинен, непорочен, Богочестив, удаляйся от всякаго зла, еще же придержится незлобия: ты же рекл еси имения его погубити вотще. Отвещав же диавол Господеву, рече: кожу за кожу, и вся елика имать человек, даст за душу свою. Обаче послы руку Твою, и коснися костем его, и плоти его, аще не в лице Тя благословит. Рече же Господь диаволу: се предаю ти его, токмо душу его соблюди. Изыде же диавол от лица Господня, и порази Иова гноем лютым от ног даже до главы. И взя [Иов] чреп, да острогает гной свой, и той седяше на гноищи вне града. Времени же многу минувшу, рече к нему жена его глаголющи: доколе терпиши, се пожду время еще мало, чаючи надежди спасения моего. Се бо потребися от земли память твоя, сынове твои и дочери, моего чрева болезни и труды, имиже вотще трудихся с болезнями: ты же сам в гнои червей седиши, обнощевая вне без покрова, и аз скитающися и служащи, место от места преходящи, и дом от дому, ожидающи солнца, когда зайдет, да почию от трудов моих, и от болезней, яже мя ныне обдержат. Но рцы глагол некий ко Господу, и умри. Он же воззрев рече к ней: вскую яко едина от безумных жен возглаголала еси? Аще благая прияхом от руки Господни, злых ли не стерпим? Во всех сих приключившихся ему, ничимже согреши Иов устнама пред Богом, [и не даде безумия Богу].

Таже, Да исправится молитва моя:

Евангелие от Матфея, зачало 108. [Мф. 26, 6 – 16.]

Во время оно: ойсѣ же бывшѣ въ вѣрѣнїи, въ домѣ сімѡна прокаженнагѡ, пристѣпї къ немѣ женѣ, сткѣлѣницѣ мѣра ѣмѣщи многоцѣннагѡ, ѣ возливаше на главѣ егѡ возлежѣща. **Видѣвше** же оучѣнцы егѡ негодоваша, глаголюще: чесо ради гибель сїѣ (бысть); можаше во сїе мѣро продано быти на мнѡзѣ ѣ дѣтисѣ нищымѣ. **Раздѣлѣвъ**

же иисъ рече имъ: что тръждаете женѣ; дѣло бо добрѣ содѣла ѡ мнѣ: всегда бо нищыѣ имате съ собою, менѣ же не всегда имате: возиавши бо сѣмъ мѣро сѣе на тѣло моє, на погрѣвѣнїе мѣ сотвори: аминь глго вамъ: и дѣже яще проповѣдано вѣдетъ еѣиѣ сѣе во всемъ мѣрѣ, речетса и еже сотвори сѣмъ, въ пѣмать еѣ. **Т**огда шедъ едѣнъ ѡ ѡвоюнадесяте, глаголемый изда искарїѡтскѣй, ко архїерѣшмъ, рече: что ми хѡщете дѣти, и азъ вамъ предѣмъ еѣ; **О**ни же поставиша емѣ тридесять сребреникъ: и ѡтѡлѣ искарѣше ѡдѡвна времеѣ, да еѣ предѣстъ.

И прочее последование Преждеосвященных.

И по пренесении честныхъ Даровъ поклоны 3. И абие упражняются совершенно въ церкви бываемыя поклоны. В келлиахъ же даже и до Великаго Пятка совершаются.

ЧЕТВЕРГ ВЕЛИКОЙ СЕДМИЦЫ

Во СВЯТУЮ и ВЕЛИКУЮ СРЕДУ ВЕЧЕРА

ПОВЕЧЕРИЕ ГЛАГОЛЕМ МАЛОЕ,

На немже поем трипеснец господина Андреа Великаго Четвертка. Глас 6.

Песнь 4.

Ирмос: Услыша пророк / пришествие Твое Господи, / и убояся, / яко хочещи от Девы родитися, / и человеком явитися, / и глаголаше: / услышах слух Твой, / и убояхся, / слава силе Твоей Господи.

Горница посланая, прият Тя Создателя и стаинники, и тамо Пасху скончал еси, и тамо соделал еси таинства: тамо бо двема посланома ныне ученикома Твоима, Пасха уготовася Тебе.

Идите ко онсице, вся ведый предглаголет апостолом, и блажен есть, иже может верно прияти Господа: горницу убо сердце предуготовав, и вечерю благочестие.

Нрав сребролюбия, и образ твой безумия исполнь несмысленный Иудо: вверен бо быв един токмо ковчезцу, всяко не преклонился еси к милосердию: но заключил еси жестокаго твоего сердца утробу, предав единого Благоутробнаго.

Нрав богоубийц проданию сребролюбца смесивыйся: ов убо ко убиению вооружився, ов же к сребренном устремляешся: удавлением бо тогда предразсудив покаяние зле, еже жити лишися.

Лобызание исполнено лъсти, еже радуйся, со оружием, льстивый Иудо: языком убо провещаваше яже к соединению, нравом же помаваше к разстоянию: предати бо беззаконником Благодетеля лестне поучился еси.

Лобызаеши и продаеши Иудо, целуеши и не стыдишия, лестию притекий. Кто ненавидя лобызает треокаянне? Кто любя продает на цене? Лобызание твоего безстуднаго злосоветия обличает произволение.

Слава: Нераздельное Существом, неслитное Лицы, богословлю Тя, Троическое едино Божество, яко единоцарственное и сопрестольное, вопию Тебе песнь великую, в вышних трегубо песнословимую.

И ныне, Богородичен: Зачатие паче слова, рождество Твое паче естества Богородительнице: ово убо от Духа без семене, ово же законов естества таящееся, яко нетленно, и паче естества всякаго рождения: Бог бо раждаемое.

Седален, глас 4.

Подобен: Явился еси днесь:

Ядый Владыко со ученики Твоими, таинственно явил еси всесвятое Твое заколение, имже тли избавихомся, честная Твоя почитающии страдания.

Песнь 8.

Ирмос: Егоже воинства небесная славят, / и трепещут херувими / и серафими, / всяко дыхание и тварь: / пойте, благословите / и превозносите во вся веки.

Законное скончав повеление, скрижали законныя Написавый в Синаи, снede убо Пасху древнюю и сеновную: бысть же Пасха тайная и живожертвенная.

От века сокровенную Христе премудрость тайноводя, показал еси купно всем апостолом Спасе на вечери, юже Церквам предаша богоноснии.

Един от вас лестию предаст Мя, евреем продав в ночь сию, сие Христос возопив смущаше други: тогда един ко единому, недоумеаяся колебашеся.

Смирився нас ради богатый, от вечери востав, лентий прием, сим препоясался еси, и преклонь выю, омыл еси ноги учеников и предателя.

Паче ума, и неизреченна разума высоте Твоей Иисусе, кто не удивится! Яко брению предстал еси, Содетелю всяческих, омывая убо ноги, отирая же и лентием.

Ученик, егоже любляше Господь, на перси возлег, рече к Нему: кто есть предай Тя? Христос же ко оному: сей вложивый в солило ныне руку.

Ученик хлеб приемый, по хлебе отлучается, проданию поучайся, течет ко иудеем, глаголет беззаконным: что мне хотите дати: и аз Его вам предам.

Благословим Отца, и Сына, и Святаго Духа, Господа.

Единаго Бога по Существу чту, три Ипостаси пою определительне, иныя, но не инаковыя: понеже Божество едино, в триех Лицех, ибо Отец, и Сын, и Божественный Дух.

И ныне, Богородичен: Избави нас Иисусе Спасе наш от лести лукаваго, и напасти: приими Богородицу молящуюся непрестанно: Мати бо есть, и может Тя умолити.

Хвалим, благословим:

Ирмос: Егоже воинства небесная славят, / и трепещут херувими / и серафими, / всяко дыхание и тварь: / пойте, благословите / и превозносите во вся веки.

Песнь 9.

Ирмос: Безсеменнаго зачатия / Рождество несказанное, / Матере безмужныя нетленен плод: / Божие бо рождение обновляет естества. / Темже Тя вси роди, / яко Богоневестную Матерь, / православно величаем.

Великое таинство Твоего вочеловечения, на вечери совозлежащу Тебе учеником Твоим Человеколюбче, открыв рекл еси: ядите Хлеб животный верою, пийте и Кровь излианную от Богоробреннаго заколениа.

Сень небесная явися горница, идеже Пасху Христос соверши: Вечеря безкровная, и словесная служба, трапеза же тамо совершенных Таин, мысленный жертвенник.

Пасха Христос есть великая и всечестная, снесен быв яко хлеб, заклан же яко овча: Той бо вознесся о нас Жертва. Того Тела благочестно, и Того Крове вси тайно причащаемся.

Хлеб благословив, Хлеб сый небесный, благодарив Отцу Родителю, приемый, и чашу учеником давал еси: примите, ядите, вопия, сие есть Тело Мое, и Кровь нетленныа жизни.

Аминь глаголя, рече рождиям Лоза, апостолом Христос истина: отселе не имам пити от лозы питие, дондеже пию е новое, во славе Отца Моего, с вами наследники Моими.

Продаеши на тридесятих сребреницех Господа, и не помышляеши Иудо беззаконный Вечери таинство, или честное умовение. О како поползся падением в конец света пришел еси, удавление облобызав!

Руце простерл еси, имиже хлеб приял еси нетления, прияти сребреники, уста к целованию принося льстивно, имиже Тело Христово и Кровь приял еси: но горе тебе, якоже рече Христос.

Христос учреди мир, небесный и Божественный хлеб: приидите убо христороубцы, бренными устнами, чистыми же сердцы, примем верно жремую Пасху, в нас священнодействируемую.

Слава: Отца прославим, Сына превознесем, Божественному Духу верно поклонимся, Троице нераздельней, единице по Существу: яко Свету и Светом, Животу и Животом, животворящему и просвещающему концы.

И ныне, Богородичен: Чертог небесный, и Невеста Приснодева, едина явилася еси, Бога носивши, рождши же непреложно, из Тебе воплощенна. Темже Тя вси роди яко Богоневестную Матерь, православно величаем.

Ирмос: Безсеменнаго зачатия / Рождество несказанное, / Матере безмужныа нетленен плод: / Божие бо рождение обновляет естества. / Темже Тя вси роди, / яко Богоневестную Матерь, / православно величаем.

И прочее Повечерия малаго по обычаю, и отпуст, и творим поклоны 3, вси равно косно. И бывшей молитве, от предстоятеля, отходим в келлии своя.

Ведомо же буди, яко от сего святаго дне, Полунощница не поется в церкви, до седмицы Фомины.

ЧЕТВЕРГ ВЕЛИКОЙ СЕДМИЦЫ

Во СВЯТЫЙ и ВЕЛИКИЙ ЧЕТВЕРТОК на УТРЕНИ,

Клеплет паракклисиарх в седмый час ноци (в 1-м часу ноци – А.Р.), и собравшимся нам в церковь, и сотворшу священнику начало: Благословен Бог наш: Начинаем абие по обычаю: таже шестопсалмие, по исполнении шестопсалмия,

Аллилуиа, на глас 8. И тропарь глас 8, трижды:

Егда славнии ученицы / на умовении Вечери просвещахуся, / тогда Иуда злочестивый сребролюбием / недуговав омрачашеся, / и беззаконным судиям Тебе праведнаго Судию предает. / Виждь имений рачителю, / сих ради удавление употребивша! / Бежи несытыя души, / Учителю таковая дерзнувшия: / Иже о всех благий, Господи слава Тебе.

Таже, Евангелие от Луки зачало 108, без преступки: Во время оно, приближашеся праздник опреснок: Конец в зачале 109-м: По Немже идоша ученицы Его.

Евангелие от Луки зачало 108. [Лк. 22, 1 – 39.]

Во время оно: Приближашеся же праздникъ ѡпрѣснокъ, глаголемый пасха: и искаху архіерее и книжницы, какъ бы убїи егò: боахуся во людїи. **В**ниде же сатана во идѣ нарицаемаго іскарїотъ, сѣща ѿ числа ѡбоюнадесяте, и шѣдъ глагола архіерешимъ и воеводамъ, какъ егò предасть имъ. **И** возрѣдовашася и совѣщаша емѣ сребреники дѣти: и исповѣда и искаше оудобна времяне, да предасть егò имъ безъ народа. **П**рїиде же дѣнь ѡпрѣснокъвъ, въ ѡньже подоваше жрѣти пасхѣ: и посла петра и іоанна, рекъ: шѣдша оуготовайтѣ намъ пасхѣ, да ѣмы. **Ѻ**на же рекоста емѣ: гдѣ хощеши оуготоваемъ; **Ѻ**нь же рече ѣма: сѣ, восходѣщема вама во градъ, срѣщеть въ человекъ въ скдѣльницѣ водѣ носѣ: по немъ идѣти въ домъ, въ ѡньже вхѣдитъ, и рцѣти домѣ владыцѣ: глетъ тебѣ оучиль: гдѣ естъ ѡвѣтель, идѣже пасхѣ со оучникѣ мои ми снѣмъ; и той вама покажетъ горницѣ вѣлію постанѣ: тѣ оуготовайтѣ. **Ш**ѣдша же ѡвѣтоста, ѣкоже рече ѣма: и оуготоваста пасхѣ. **И** егда бысть часъ, возлеже, и ѡванѣдесяте апѣли съ нимъ, и рече къ нимъ: желанїемъ возжелѣхъ сїю пасхѣ ѣсти съ вами, прѣжде даже не прїимѣ мѣкѣ: гѣю во вами, ѣкѣ ѿсѣлѣ не ѣмамъ ѣсти ѿ неѣ, дондеже скончѣются во црѣтвїи вѣїи. **И** прїимъ чашѣ, хвалѣ воздавъ, рече: прїимѣте сїю, и раздѣлитѣ себѣ: гѣю во вами, ѣкѣ не ѣмамъ пїти ѿ

плодà лóзнагѡ, дóндеже црѣтвїе вжїе прїидеть. **И** прїимъ хлѣбъ, хвалѣ воздавъ, преломї и даде ѿмъ, гл҃а: сїе ѣсть тѣло моє, ѣже за вы даємо: сїе творїте въ моє воспоминанїе. **Т**акожде же и чашѣ по вечерї, гл҃а: сїа чаша новыи завѣтъ моєю кровїю, ѣже за вы проливається: о́баче се, рѣка предающагѡ мѧ со мною (ѣсть) на трапѣзѣ, и снѣ ѡубѡ чл҃вческїи ѣдетъ по рѣченномѣ: о́баче гóре челоуѣкѣ томѣ, ѿмже предаётся. **И** тїи начаша ѿскати въ себѣ, котóрый ѡубѡ ѿ нїхъ хóщетъ сїе сотворїти. **В**ысть же и прѧ въ нїхъ, кїи мнїтсѧ ѿхъ быти во́лїи. **О**нъ же рече ѿмъ: царїе ѿзыкъ господствуютъ ѿми, и ѡбладающїи ѿми благодателе нарицаются: вы же не такѡ: но во́лїи въ васъ, да вѣдетъ ѿкѡ мнїи: и старѣи, ѿкѡ сладїи. **К**то во во́лїи, возлежїи ли, ѿли сладїи; не возлежїи ли; **ѿ**зъ же посреде васъ ѣсмь ѿкѡ сладїи. **В**ы же естѣ превыше со мною въ напастехъ моїхъ, **29** и ѿзъ завѣщаваю вамъ, ѿкоже завѣща мнѣ о́цъ мої, црѣтво, да ѣсте и пїете на трапѣзѣ моєї во црѣтвїи моємъ: и сѧдете на прѣтолѣхъ, сѧдѧще о́бѣманáдесѧте колѣнома ѿлевома. **Р**ече же гд҃ь: сїмѡне, сїмѡне, се, сатанà прóситъ васъ, да вы сѣлѧ, ѿкѡ пшеницѣ: ѿзъ же молихсѧ ѡ тебѣ, да не ѡскѣдетъ вѣра твоѧ: и ты нѣкогда ѡвращьсѧ ѡутверди вратїю твою. **О**нъ же рече ѣмѣ: гд҃и, съ тобою готовъ ѣсмь и въ темницѣ и на смѣрть ѣти. **О**нъ же рече: гл҃ю ти, пѣтре, не возгласїтъ пѣтель днѣсь, дóндеже трикраты ѡвѣржешсѧ менѣ не вѣдѣти. **И** рече ѿмъ: егда послахъ вы безъ влагалища и безъ мѣха и безъ сапóгъ, еда чесогѡ лишѣни выстѣ; **О**нї же рѣша: ничесѡже. **Р**ече же ѿмъ: но нѣѣ ѿже ѿматъ влагалище, да возметъ, такожде и мѣхъ: а ѿже не ѿматъ, да продастъ рїзѣ свою, и кѣпитъ нóжъ: гл҃ю бо вамъ, ѿкѡ ещѣ писаное се, подобаетъ, да скончается ѡ мнѣ, ѣже: и со беззаконными вмѣнїсѧ. **И**бо ѣже ѡ мнѣ, кончинѣ ѿматъ. **О**нї же рѣша: гд҃и, се, ножа здѣ двѧ. **О**нъ же рече ѿмъ: доволно ѣсть. **И** ѿшѣдъ ѣде по ѡбываю въ гóрдѣ елѣѡнскѡю: по нѣмъ же ѣдоша ѡучицы егѡ.

И псалом 50. Молитвы же, Спаси Боже люди Твоя: не глаголем.

И начинаем канон, творение господина Космы, глас 6: ирмосы по дважды, тропари же на 6. Канон, егоже краестрочие: Ти макра пемпти макрон имнон ексадо. Еже есть, В Великий Четверток долую песнь пою.

Песнь 1.

Ирмос: Сеченое сечется море Чермное, / волнопитаемая же изсушается глубина: / таяжде купно безоружным бывши проходима, / и всеоружным гроб. / Песнь же Богокрасная воспевашеся: / славно прославися Христос Бог наш.

Всевиновная и подательная жизни, безмерная мудрость Божия, созда храм Себе от Чистыя Неискусомужныя Матере: в храм бо телесно оболкийся, славно прославися Христос Бог наш.

Тайноводящи други Своя, душепитательную уготовляет Трапезу, безсмертия же воистинну мудрость Божия растворяет Чашу верным. Приступим благочестно, и возопиим: славно прославися Христос Бог наш.

Услышим вси вернии, созывающую высоким проповеданием, несозданную и естественную премудрость Божию, вопиет бо: вкусите и разумевше, яко Христос Аз, возопийте: славно прославися Христос Бог наш.

Последи же наки ирмос оба лика вкупе.

Песнь 3.

Ирмос: Господи сый всех, и Зиждитель Бог, / созданное безстрастный обнищав Себе соедини, / и Пасха за яже хотяше умерети, / Сам сый Себе предпожре: / ядите, вопия, Тело Мое, / и верю утвердитесь.

Избавительною всего рода человека, Твоею Блаже Твоя ученики напоил еси веселия Чашею, наполнив ю, Сам бо Себе священнодействуеши, пийте, вопия, Кровь Мою, и верю утвердитесь.

Безумный муж иже в вас предатель, учеником Твоим предрекл еси незлобиве, не уразумеет сих, и той несмыслен сый не имать разумети. Обаче во Мне пребудите, и верю утвердитесь.

Седален, глас 1.

Подобен: Гроб Твой:

Езера и источники и моря сотворивый, / смирению нас наказуя изрядному, / лентием опоясався, учеников ноги умы, / смиряся премножеством благоутробия, / и возвышая нас от пропастей злобы, / един Человеколюбец.

Слава, глас 3.

Подобен: Божественная веры:

Смиряся за благоутробие, / ноги умыл еси учеников Твоих, / и к течению Божественному сия направил еси: / не повинуюся же Петр умыться, / абие Божественному повинуется повелению, омываемь, / и Тебе прилежно моляся, / даровати нам велию милость.

И ныне, глас 4.

Подобен: Явился еси днесь:

Ядый Владыко со ученики Твоими, / таинственно явил еси / всесвятое Твое закление, / имже тли избавихомся, / честная Твоя почитающии страдания.

Песнь 4.

Ирмос: Провидев пророк тайну Твою / неизреченную Христе, провозгласи: / положил еси твердую любовь крепости Отче щедрый: / едиnorodного бо Сына Благий, / очищение в мир послал еси.

На страсть всем сущим из Адама источившую безстрастие, Христе грядый, другом Твоим рекл еси: с вами Пасхи сея причаститися возжелах: едиnorodного бо Мя очищение Отец в мир послал есть.

Причащаяся Чаши, учеником вопиял еси Безсмертне: плода лознаго ктому не пию прочее, с вами живя: едиnorodного бо Мя очищение Отец в мир послал есть.

Питие новое паче слова, Аз глаголю, во Царствии Моем, Христос другом, пию, якоже бо Бог с вами боги буду, рекл еси: едиnorodного бо Мя очищение Отец в мир послал есть.

Песнь 5.

Ирмос: Союзом любви связуеми апостоли, / владычествующему всеми себе Христу возложше, / красны ноги очищаху, / благовествующе всем мир.

Неодержимую держащая, и превыспреннюю на воздухе воду, бездны обуздающая, и моря востязующая Божия премудрость, воду во умывальницу вливает, ноги же омывает рабов Владыка.

Учеником показывает смирения образ Владыка, облаки облагаяй небо, препоясуется лентием, и преклоняет колена, рабом омыти ноги, в Егоже руке дыхание всех сущих.

Песнь 6.

Ирмос: Бездна последняя грехов обыде мя, / и волнения не ктому терпя, / яко Иона Владыце вопию Ти: / от тли мя возведи.

Господа глашаете Мя, о ученицы, и Учителя: есмь бо, Спасе вопиял еси. Темже подражайте образ, егоже во Мне видесте.

Скверны кто не имея, омыти не требует ног: чисти же, о ученицы вы, но не вси: мгновением бо безчинно един от вас неистовствует.

Кондак, глас 2.

Подобен: Вышних ища:

Хлеб прием в руке предатель, / сокровенно тыя простирает, / и приемлет цену Создавшаго Своима рукама человека, / и неисправлен пребысть / Иуда раб и льстец.

Икос: Тайной трапезе, в страхе приближившеся вси, чистыми душами хлеб приимем, спребывающе Владыще: да видим, како умывает ноги учеников, и сотворим, якоже видим, друг другу покаяющесе, и друг другу нозе умывающе, Христос бо тако повеле Своим учеником, предрек тако творити: но не услыша Иуда раб и льстец.

Синаксарь.

Стихи во священное умовение:

Умывает учеников в вечер Бог ноги:

Егоже нога попирая бе во едеме прещение древле.

На Таинственную Вечерю стихи:

Сугубая Вечеря, Пасху бо закона носит:

И Пасху новую, Кровь, Тело Владычнее.

На преестественную молитву стихи:

Молитва и страшилище, труды кровей:

Христе лицу яве моляся.

Смерть, врага прельщая в сих.

На предательство стихи:

Что тебе ножей? Что древес людолестцы,

На хотящаго умрети во избавление мира?

Во Святый и Великий Четверток, иже вся добре счинившии божественнии отцы, друг другоприимательно от божественных же апостол, и священных и Божественных Евангелий, предаша нам четыре некая праздновати: священное умовение: Тайную Вечерю: предание яве еже по нам страшных Таин: преестественную молитву, и самое то предательство: понеже бо еврейская Фаска по Пятце жретися имяше. Бяше же убо прикладно, образованию последствовати и истине, в том яве и еже по нам Пасце жретися Христу, предварив Господь наш Иисус Христос, якоже божественнии отцы глаголют, действует тую со ученики в вечер Четвертка. Той бо вечер и Пяток весь, един день у еврей вменяется: сие бо они числят ношеденство глаголюще. Действова убо сию и тогда [якоже реша нецыи] со ученики по закону, ихже един есть и божественный Златоуст. Первое

просто стояще, и опоясани, в сапоги обувени, жезлы подпираться, и ина елика закон повелевает, да не законопреступен вознепщуется. Сия бо Зеведей уготова: сей бо скудель носяй воды, якоже Великий глаголет Афанасий, аще инии инако о сем реша. Потом же учеником совершеннейшая показуя, и еже по нам Пасхи таинство предает на горнице, уже нашедшей ноци. Вечери бо, глаголет, бывшей, возлеже со двеманадесять. Зри же, яко не сие бяше законная Пасха, Вечеря бо и возлежание, и хлеб, и вода: тамо же вся печена огнем, и безквасна. Прежде же начатия еже вечеряти, [сице бо глаголет божественный Златоуст] от Вечери востает, и полагает низу ризы, и воду во умывальницу вливает Сам самодействуяй вся, вкупе убо Иуду усрамляя, вкупе же и другим учеником воспоминая, еже старейшинства не искати. Якоже и по умовении наказует, глаголя: хотяй быти первый, да будет всех последний, Самого Себе положив во указание. Является же, яко прежде всех Иуду умы Христос, безстудне председша: последи же к Петру приходит: сей же тепльший иных сый, Учителю возбраняет, и оставляет паки зельнее. Умыв убо их ноги, и возвышение преславное смирением показав, взял ризы паки, и возлег, наказует их любити друг друга, и старейшинства не искати. Ядущим же им, и о предательстве вводит начало. Мятущимся же о словеси учеником, глаголет Иисус Иоанну единому тайно: емуже Аз омочив хлеб подам, той есть предай мя. Аще бо бы ведал Петр слово, аки сый иных тепльший, Иуду убил бы бяше. И паки: омочивый со Мною в солило руку: якоже обоя быша. Таже мало что оставль, взял хлеб, глаголет: примите, ядите, и чашу подобне: пийте от нея вси, рек, сия есть Кровь Моя Новаго Завета, сие творите в Мое воспоминание. Обаче и Сам сие творя, ядыше и пияше с ними. Зри же, яко хлеб глаголет Тело Свое, а не опреснок: да постыдятся убо иже жертве опреснок приносящи. По хлебе же вниде во Иуду сатана: искушаяй бо его прежде, ныне всеконечно в него вселися. И изшед, глаголет: сложение положи архиереем, да предаст Его им на тридесяти сребреницех. Ученицы же по Вечери изыдоша на гору Елеонскую, в некое село, глаголемое Гефсимани. По мнозе же глаголет им Иисус: вы вси соблазнитесь о Мне в ноци сей. Петр же рече: аще и вси, аз не отвергуся Тебе: бяше же позде, сиречь глубоконощие. Он же глаголя: прежде даже не возгласит петель дваши, отвержешися Мене трижды, еже и бысть. Боязнию безмерною Петру яту бывшу: Богу немощное показующу естества, и купно понеже вселенную ему вручи, да от своего естества удобоводительное разумев, милостивен будет к согрешающим: обаче трикратное Петрово отвержение, всех человеков грех к Богу изобразоваше. Первое, заповедь юже преступи Адам. Второе, писаннаго закона преступление. Третье же, самое воплощение Слова: еже паки последи Спас трегубым покаянием исцели: за еже, Петре, любиши ли Мя, трижды изрещи. По сих же глаголет учеником, [человеческое показуя, яко страшна всем смерть] прискорбна есть душа Моя даже до смерти. И прешед яко камне вержение, помолися трикраты, рек: Отче Мой, аще не возможет чаша сия прейти от Мене, аще ю не пию: да будет воля Твоя. И паки: Отче, аще мощно, да мимо идет от Мене чаша сия? Купно убо яко человек сие глаголя, купно же и

диавола преходя хитростно: яко да непшуя и Онаго человека быти, за еже негли бояться, смерти ради крестныя не пресечет таинства. Возвращься же и обрет ученики сном погружены, к Петру обращается, сице глаголя: ни единого ли часа возмогосте побдети со Мною? Сиречь, ты глаголай даже и до смерти подвизатися, сице сонствуеши с прочими. Пришед же об он пол потока Кедрскаго, идеже бе вертоград водворися тамо со ученики Своими. Часто же тамо приходити обычай имеяше. Тем и Иуда ведяше место: иже неких от воин взем, и народу последующу, прииде на Иисуса, дав им лобзания знамение. Сие же рече, занеже многажды удержан быв, неявлен от среды их проходаше: якоже и zde Сам Христос прежде исходит к ним глаголя: кого ищете? Они же Его и еще не познаваху, не бо ночь претыкания бяше, светила бо беша, глаголет, и свечи горяща, и страхом падше отлучишася, и паки пришедшим Сам отвечаваше. Иуде же сотворшу сложение, Христос глаголет: друже, на немже еси, сиречь, на неже пришел еси Иудо, благовременно есть. И паки глаголет: яко на разбойника ли изыдосте со оружием и древесы яти Мя? В нощи же приидоша, да не некая молва от народа будет. Тогда теплейший Петр извлек нож, от вечери бо бяху к сицевым уготовлени, архиереева раба Малха именем поразив, десное ухо отсече. Ведяше же Иисус, яко архиерее рекут: не добре закон слышаше и учаше: возбраняет убо Петру Христос, яко не добро есть послушнику сущу духовнаго Мужа, меча употребляти: Малхово же ухо исцеляет. Емше же убо Иисуса, связана приводят на двор архиереа Анны, иже бе тесть Каиафы: тамо бо бяху вси собрани на Христа гласящии, фарисее и книжницы. Зде яже на Петра от отроковицы, отвержение его бывает, и нощи посреде иждившейся, петель возгласи третие: он же помянув восплакася горько. И времени уже ко утру пришедшу, от Анны ко архиерею Каиафе Христа приводят, идеже и оплевание прият, и лжесвидетели воззвани быша: и озаряющу дню к Пилату его посылает Каиафа. Приведшии же его, глаголет, не внидоша в претор, да не осквернятся, но да ядят Пасху. Собираются убо, яко беззаконно негли архиереи и фарисеи тогда содеяша преложивше Пасху, якоже глаголет божественный Златоуст: в ночь бо ону подобаше им тую ясти, но Христова ради убийства преложиша. А яко тогда должно бяше им ясти ю, яви Христос, прежде Вечерю нощию ядый, таже тайнонаучив совершенным: или яко в законном образе подобаше, якоже речено бысть, и истине быти: Иоанн бо прежде праздника глаголет Пасхи. Сих ради всех бывших в Четверток, и ночь его тогдашнюю и мы празднуем, поминание страшных и неизреченных дел оных и деяний со страхом творяще. Неизреченным Твоим благоутробием Христе Боже наш, помилуй нас, аминь.

Песнь 7.

Ирмос: Отроцы в Вавилоне пещнаго пламене не убояшася, / но посреде пламене ввержени, / орошаеми пояху: / благословен еси Господи Боже отец наших.

Помавая главою Иуда злая предзрев подвиже, благовремение иский предати Судию на осуждение, Иже всех есть Господь и Бог отец наших.

Вам Христос другом вопиаше: един предаст Мя, веселия забывше, скорбию и страхом одержими бяху: кто сей, скажи, глаголюще, Боже отец наших?

Иже со Мною руку свою в солило вложит дерзостию, тому обаче добро бы врата жития пройти никогдаже: сего, иже бе предатель, являше Бог отец наших.

Песнь 8.

Ирмос: **За** законы отеческия блаженнии в Вавилоне / юноши предбедствующе, / царюющаго оплеваша повеление безумное, / и совокуплени имже не сваришася огнем, / Державствующему достойную воспеваху песнь: / Господа пойте дела, / и превозносите во вся веки.

Сообедницы блаженнии, в Сионе словом претерпевше апостоли последоваху Пастырю, яко агнцы, и совокуплени, Егоже не разлучишася Христа, Божественным словом питаеми, благодарственно вопияху: Господа пойте дела, и превозносите во вся веки.

Законныя дружбы злоименитый Искарот волею забыв, яже нозе умы, уготови на предание: и Твой ядый Хлеб, Тело Божественное, воздвиже ков на Тя Христе, и вопити не разуме: Господа пойте дела, и превозносите во вся веки.

Приимаше решительное греха Тело безсовестный, и Кровь изливаемую за мир Божественную, но не стыдяшеся пия, юже продаваше на цене, о злобе же не негодова, и вопити не разуме: Господа пойте дела, и превозносите во вся веки.

Песнь 9.

Ирмос: **Странствия** Владычня, / и бессмертныя Трапезы на горнем месте, / высокими умы, / вернии приидите насладимся, / возшедша слова, / от Слова научившеся, / Егоже величаем.

Идите, учеником слово рече, Пасху на горничном месте, еюже ум утверждается, и сию тайноводительно уготовите, безквасным истинным словом, твердое же благодати величайте.

Содетельницу Отец прежде век премудрость раждает Мя, начаток путей, в дела созда ныне тайно совершаемая: Слово бо несозданное сый естеством, гласы присвоюся, егоже ныне приях.

Яко человек сый существом, не мечтанием, сиче Бог нравом воздаяния, естество соединившееся мне. Христа единого тем Мя знайте, от нихже, в нихже, яже есмь, спасающа.

Ексапостиларий, трижды.

Чертог Твой вижду Спасе мой, украшенный, и одежды не имам да вниду вонь: просвети одеяние души моя Светодавче, и спаси мя.

На хвалитех поставим стихи 4, и поем стихиры самогласны, глас 2:

Стекается прочее соборище иудейское, / да Содетеля и Зиждителя всяческих Пилату предаст: / о беззаконных, о неверных! / Яко грядущаго судити живым и мертвым, на суд готовят: / исцеляющаго страсти, ко страстем уготовляют. / Господи долготерпеливе, / велия Твоя милость, слава Тебе.

Иуда беззаконный, Господи, / омочивый на Вечери руку в солиле с Тобою, / простре к беззаконным руке прияти сребреники, / и мира умысливый цену, / Тебе Безценнаго не убоясь продати: / нозе прострый во еже умыти, / Владыку облобыза льстивно, / во еже предати беззаконным: / лика же апостольскаго отвергся, / и тридесять поверг сребреники, / Твоего тридневнаго воскресения не веде, / имже помилуй нас.

Иуда предатель льстив сый, / льстивным лобзанием предаде Спаса Господа, / и Владыку всех, / яко раба предаде иудеом: / яко овча на заколение, / тако последоваше Агнец Божий, / Сын Отчий, / един Многомилостивый.

Иуда раб и льстец, / ученик и наветник, / друг и диавол от дел явися: / последоваше бо Учителю, / и на Него поучашеся преданию, / глаголаше в себе: / предам Того, и приобретащу собранная имения, / искаше же и миру продану быти, / и Иисуса лестию яти. / Отдаде целование, предаде Христа: / и яко овча на заколение, / сице последоваше един Благоутробный / и Человеколюбец.

Слава, и ныне, глас тойже:

Егоже проповеда Агнца Исаиа, / грядет на заколение вольное, / и плещи дает на раны, ланиты на заушения, / лица же не отврати от срамоты заплеваний, / смертию же безобразною осуждается. / Вся Безгрешный волею приемлет, / да всем дарует из мертвых воскресение.

На стиховне стихиры самогласны, глас 8:

Днесь еже на Христа лукавое собрася соборище, / и на Него тщетная советоваше, / предати Пилату на смерть неповиннаго. / Днесь имением удавление Иуда себе облагает, / и лишается обоюду жизни привременная и Божественная. / Днесь Каиафа неволею пророчествует: / уне, глаголя, единому умрети за люди. / Прииде бо за грехи наша пострадати, / да нас свободит от работы вражия, / яко Благ и Человеколюбец.

Стих: Ядый хлебы Моя, возвеличи на Мя запинание.

Днесь Иуда нищелюбия сокрывает лице, / и лихоимства открывает зрак: / не ктому о нищих печется, / не ктому миро продает грешныя, / но небесное миро, и

от него усвоет сребренники. / Течет ко иудеом, глаголет беззаконным: / что ми хотите дати, и аз вам предам Его? / О сребролюбия предателя! / Удобопродательную творит куплю, к воле купующих, / непродаемого куплю творит, / не скуп является к цене, / но яко раба бежащаго продает: / обычай бо крадущим метати честная. / Ныне же поверже Святая псом ученик, / бесование бо сребролюбия, / на своего Владыку неистовитися сотвори его. / Егоже искушения бежим, зовуще: / долготерпеливе Господи, слава Тебе.

Стих: Исхождаше вон, и глаголаше вкупе.

Нрав твой лъсти исполняется, беззаконный Иудо: / недугуя бо сребролюбием, приобрел еси человеконенавидение. / Аще бо богатство любил еси, / почто ко учащему о нищете пришел еси? / Аще же и любил еси, / вскую продал еси безценнаго, предав на убиение? / Ужаснися солнце, возстени земле, / и движущися возопий: / незлобиве Господи слава Тебе.

Стих: Слово законопреступное возложиша на Мя.

Да никтоже, о вернии, / Владычния Вечери тайноненаучен, / никтоже отнюд яко Иуда лъстивно да приступит к Трапезе: / он бо укрух прием, / на хлеба уклонися. / Образом убо сый ученик, / вещь же сый убийца. / Со иудеи убо веселяся, со апостолы же водворяяся: / ненавидя лобызаше, лобызая же продаваше искупившаго нас клятвы, / Бога и Спаса душ наших.

Слава, глас тойже: Нрав твой лъсти:

Нрав твой лъсти исполняется, беззаконный Иудо: / недугуя бо сребролюбием, приобрел еси человеконенавидение. / Аще бо богатство любил еси, / почто ко учащему о нищете пришел еси? / Аще же и любил еси, / вскую продал еси безценнаго, предав на убиение? / Ужаснися солнце, возстени земле, / и движущися возопий: / незлобиве Господи слава Тебе.

И ныне, глас 5: Тайноводствуя Твоя Господи ученики, / учил еси глаголя: / о друзи, зрите, да никийже страх вас разлучит от Мене: / аще бо и стражду, но за мир. / Не блазнитесь убо о Мне: / не приидох бо, да послужат Ми, / но послужити, и положити душу Мою избавление за мир. / Аще убо вы друзи Мои есте, Мене подражайте: / хотяй первый быти, да будет последний, / владыка яко служитель. Пребудите во Мне, / да грозд принесете: / Аз бо есмь лоза животная.

Благо есть исповедатися Господеви:

Совокупляем и час первый, в немже глаголем и тропарь пророчества, глас 3:

Заушенный за род человеческий, / и не прогневавыйся свободы / от истления живот наш Господи, / и спаси нас.

Слава, и ныне, тойже.

Прокимен, глас 1: Да разумеют языцы, яко имя Тебе Господь.

Стих: Боже, кто уподобится Тебе?

Пророчества Иеремиина чтение. [Глава 11, ст. 18 – 23: глава 12, ст. 1 – 15]

Господи, скажи ми, и уразумею: тогда видех начинания их. Аз же яко агня незлобивое ведомое на заколение не разумех, яко на мя помыслиша помысл лукавый, глаголюще: приидите и вложим древо в хлеб его, и истребим его от земли живущих, и имя его да не помянется ктому. Господь Саваоф, судяй праведно, испытуай сердца и утробы, да вижду мщение Твое на них, яко к Тебе открых оправдание мое. Сего ради сия глаголет Господь на мужы Анафофски ищущия души моя, глаголющия: да не пророчествуеши о имени Господни: аще ли же ни, умреши в руках наших. Сего ради сия глаголет Господь сил: се Аз посещу на них: юноши их мечем умрут, и сынове их и дщери их скончаются голодом: И останка не будет от них, наведу бо злая на живущия во Анафофе, в лето посещения их. Праведен еси Господи, яко отвечаю к Тебе, обаче судьбы возглаголю к Тебе: что яко путь нечестивых спеется? Угобзишася вси творящии беззакония? Насадил еси их, и укоренишася: чада сотвориша, и сотвориша плод: близ еси Ты уст их, далече же от утроб их. И Ты, Господи, разумеши мя, видел мя еси, и искусил еси сердце мое пред Тобою, собери их яко овцы на заколение, и очисти их в день заколения их. Доколе плакати имать земля, и трава вся сельная исхнет от злобы живущих на ней? Погибоша скоти и птицы, яко рекоша: не узрит Бог путей наших. Нози твои текут, и расслабляют тя. Идите, соберите вся звери сельныя, и да приидут снести е. Пастырие мнози растлиша виноград Мой, оскверниша часть Мою, даша часть желаемую Мою в пустыню непроходную. Положиша в потребление пагубы. Яко сия глаголет Господь о всех соседех лукавых, прикасающихся наследию Моему, еже разделих людем Моим Израилю: се Аз исторгну их от земли их, и дом Иудин извергну от среды их. И будет егда исторгну их, обращуся и помилую их, и вселю их, кождо в достояние свое, и кождо в землю свою.

Прокимен, глас 8: Помолитесь и воздадите Господеву Богу нашему. **Стих:** Ведом во Иудеи Бог, во Израили велие имя Его.

Подобает ведати, яко литии за упокой в притворе не бывает до Недели Фомины.

Прочия же часы поются трипсалмны, просто.